



UNIVERSITÄTS-
BIBLIOTHEK
PADERBORN

Universitätsbibliothek Paderborn

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1847

CDXX. Verordnung des Bischofs Henning wegen der angeblichen Wunder, welche ein Weib zu Freienwalde verrichtet. (1410 ?)

[urn:nbn:de:hbz:466:1-54048](https://nbn-resolving.org/urn:nbn:de:hbz:466:1-54048)

Volentesque, quantum in nobis est, schandala a nostris subditis remove, Omnibus igitur et singulis sacerdotali officio preeditis, curatis et non curatis, nostre ordinarie jurisdictioni subjectis, presertim religiosi cujuscunque status, gradus, ordinis seu conditionis existant, in virtute sancte obediencie districtissime precipiendo mandamus, ut tabernas et commessaciones secularium personarum prorsus evitent, nisi forte causa necessitatis in itinere constituti: Officia vel commercia secularia, maxime inhonesta, de cetero non exercent, choreis et publicis spectaculis non intersint, coronam et tonsuram habeant congruentem, contra contrarium facientes per subtractionem beneficiorum et officiorum, quantum rigidius de jure poterimus, procedemus. Insuper sub excommunicationis pena, quam in quemlibet presencium nostrarum inhibitionum transgressorem, novem dierum canonica monicione premissa, in Dei nomine ferimus in his scriptis, districtissime inhibemus omnibus et singulis presbiteris curatis et non curatis, ne de cetero rubeos perforatos vel incisos calceos in publico deferre presumant. Religiosis vero quibuscunque quos oportet per decenciam habitus extrinseci, morum intrinsecam honestatem ostendere, penis sub premissis interdiciamus, ne rubeis, albis aut inciis calceis de cetero in publico utantur, sed alios sue regule competentes portent, continenter et caste vivere studeant universi, presertim in sacris ordinibus constituti, quatenus in conspectu Dei omnipotentis puro corde et mundo corpore valeant ministrare etc. Datum etc.

Orden's Siste-Historie S. 650. 651.

CDXX. Verordnung des Bischofs Henning wegen der angeblichen Wunder, welche ein Weib zu Freienwalde verrichtet. (1410?)

Henningus, Dei et apostolice sedis gratia, Episcopus Brandenburgensis universis et singulis ecclesiarum et monasteriorum prelati per nostram Dioecesim Brandenburgensem ubilibet constituti sinceram in Domino caritatem. Boni cujuslibet presidentis officium exigit gregem sibi a Domino traditam in viam salutis et pacis dirigere et ne tam presuisse quam profuisse videatur, procellarum fluctibus ex adverso ascendere et se murum pro sui gregis justitia fortissimum exhibere. Cum itaque non sine doloris acerbitate pensavimus, quot et quanta mala ex profanis machinationibus erroneisque dogmatibus cujusdam superstitione mulieris prope opidum *Freienwalde* vulgariter *op den Hotkenberghe* constitute, que adjunctis sibi quibusdam in hac parte complicitibus suis satellitibus antichristi nova quedam miracula sub quadam simulata sanctitatis et ficta religionis specie ibidem fieri enuncians et predicans subtili et fallaci ingenio a grege nobis commisso aurum didicerunt exquirere, sugere mel de petra et oleum de saxo durissimo, oblationesque ibidem per populum simplicem a se deceptum pro gloria et honore Jhesu Christi ejusque sanctissime matris virginis gloriose oblatas temporis captata oportunitate occulte surripiunt ac in suos pravos prophanos et illicitos usus convertunt; cum tamen juxta canonicas sanctiones sacrificia et oblationes non in aliis locis quam in tabernaculis diurnis precibus delibatis et consecratis offerri debeant. Nam per manes et somnia quasi revelationes quorumlibet hominum quecunque constituta altaria omnino reprobantur. Nos hujusmodi nephandissimis actibus quantum nobis possibile fuerit prout tenemur obviare cupientes vobis omnibus et singulis supra scriptis in virtute sancte obediencie injungimus et districtissime precipiendo mandamus etc.

Orden's Siste-Historie S. 652. 653.